

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.10.2018թ. թիվ 1808703774 որոշումն անփոփոխ, իսկ վարչական բողոքն առանց բավարարման թողնելու մասին

<<28> 11 2018թ. 17-13-121549 18/17-13-11169

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Ալբերտ Արայիկի Պետրոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Վայոց Ձորի մարզի Վայք քաղաքի Զերմուկի խճուղու 49 շենքի 25 բնակարանի բնակիչ Ալբերտ Պետրոսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1808703774 որոշումը՝ նշելով, որ Երևան քաղաքի Բաղրամյան 59 հասցեին պատկանող ավտոկայանատեղի մուտք գործելու համար երթևեկել է մայթով, քանի որ շինարարական աշխատանքների պատճառով մուտքը փակ է եղել:

Դիմումի քննարկման արդյունքում պարզվել է, որ դիմումատուի փաստարկն անհիմն է և չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 2-րդ հոդվածի համաձայն՝ **մայթը** օրենսդրությամբ սահմանված կարգով հետիոտնի տեղաշարժվելու համար նախատեսված երթևեկելի մասին հարող կամ դրանից որևէ եղանակով առանձնացված ճանապարհի տարր է:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործման արգելիչ անսարքությունների ու պայմանների ցանկը սահմանելու մասին>> թիվ 955-Ն որոշման 61-րդ կետի համաձայն արգելվում է տրանսպորտային միջոցների երթևեկությունը կողնակներով, **մայթերով** և հետիոտնային արահետներով:

Վիճարկվող որոշման հիմքում դրված տեսանյութը փաստում է, որ դիմումատուն 02.10.2018թ. ժամը՝ 14:06-ին Երևան քաղաքի Բաղրամյան-Օրբելի փողոցների խաչմերուկի հատվածում երթևեկում է հետիոտնի տեղաշարժվելու համար նախատեսված երթևեկելի մասին հարող և դրանից առանձնացված մասով, այսինքն մայթով՝ խոչընդոտելով այդ պահին մայթի վրա գտնվող հետիոտներին:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 26.10.2018թ. թիվ 1808703774 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ալբերտ Պետրոսյանին:

Ե.Կարապետյան

